

天一閣藏明代方志選刊

瑞昌縣志

重脩瑞昌縣志序

志何爲者也夫志所以彰往而
來也以繫民風以繹故實以析
非之致以推隆替理忽之繇皆
將於是焉稽之一時之紀述千
百世之鑒觀備焉志可以不作
乎哉抑可以易作乎哉瑞昌之
有志舊矣

劉尹儲謝諭顧閔其逸也而脩之
無亦以茲所係者重乎予間閱之
其發凡舉例推類附義天文時變
物彙民風蓋燦然大略備矣其於
瑞昌之治亦何所關乎攷之於志
邑之斥土不廣而九江南昌蘄州
三衛之屯田集馬軍沃民瘠可無

勃然思有以撫之者乎邑之式廓
無增於前而賦役日倍於舊不知
民力其將何以任之可無惻然思
有以節之者乎邑之地則僻矣而
歲發潯陽之金以千計是瑞昌即
潯陽也烏得謂之僻而徵誅之無
已乎九江一郡五邑之民人必謂

瑞昌爲難治蓋其性習然也今攷
之八鄉之俗尚各異而淳慤厚樸
之習可以孚而格者爲多然則治
茲邑者其不可徒以法禁而力制
也抑又明矣志之脩也孰謂其無
關於治乎哉雖然列之於志者迹
也君子思以經理乎天下存其無

窮之思以應乎無方之變因地以
制宜隨俗以運化彛訓章而標表
立焉權衡審而規則垂焉則志又
自我出矣載籍云乎哉是爲序

隆慶四年春三月旣望

賜進士出身中憲大夫江西九江府
知府新安瀛汪如海書

南瀛
遊記

三才
集

瑞昌志志瑞昌也按舊志脩于正
德丙子歲久散逸磨滅莫可考證
嘉靖乙丑知縣駱秉韶慨焉延鄉
官陳君良顯監生曹子一中讐校
已而移官未就丁卯儲牧瑞與博
士謝顧議曰志史也非名筆不可
顧勿葺則寢久益湮矣因屬博士

取舊草編緝不肖于簿書暇亦操鉛槧刪訂焉輿地民所止也故首輿地地列而宮室城郭所由奠矣故次建置有田則有賦有身則有庸故賦役次之官師以司政教故職官又次之學校以興賢才秩祀以崇功德故學校秩祀又次之先

民邑之典刑故人物又次之藝文
以徵文獻雜記以備遺忘皆於政
教有裨故以終焉

隆慶丁卯夏六月吉知瑞昌縣事
劉儲書

重脩瑞昌縣志

夫邑之有志所以爲一邑之信史
凡夫山川文物俗產輸祀沿革建
置今古巨纖靡不備載蓋據跡而
可攷憲證往而可風來者也其有
關於邑治匪尠矣瑞昌爲江郡僻
邑勝狀偉蹤歷有著聞厥志曠逸

莫稽丁卯劉君儲懼其愈久而湮
滅也乃親爲蒐校而屬編緝於博
士謝君顧未幾劉君以䟽改趨都
下嘗余俛謁銓遴得瑞昌之命劉
君適叩余而告之首惟邑志析竣
焉比余抵瑞亟詢謝君則茲志已
登梓就訖矣因閱之實覈微闡缺

補繁刪條緒燦若一覽可悉余固
嘉劉君用心之勤謝君敦事之敏
而幸余之聿覩厥成也以是紀乂
明遠用徵信筆則夫生聚於斯宦
遊於斯者豈不有所據證而觀感
興起也哉余甫視篆重謝君之請
爰叙其畧願與諸人士共勵焉

隆慶戊辰七月吉知瑞昌縣事江

一鵬撰



一九六三年十月上海古籍
書店據寧波天一閣藏明隆
慶刻本景印原書版框高二
〇·六公分寬一四·五公分

瑞昌縣志目錄

瑞昌縣知縣興國劉儲纂刻

瑞昌縣知縣婺源江一鵬續校

儒學教諭祁門謝顧編輯

儒學訓導懷寧丁嘉稔校正

儒學訓導霍山周宗堯校正

邑人光山知縣陳良顯彙編

邑人大學生曹一中分輯

邑人大學生潘良旦分輯

儒學生負

陳卿揚 朱良心
周偉 蕭鳳儀

曹一言 曹應慶
夏之時 何其睿

鄧諫 何其大
丁仕 董斯立
全校

卷之一

輿地

沿革 疆域 分野 城垣 形勝
山川 津渡 坊鄉 風俗 物產

卷之二

建置

縣治 醫學 陰陽學 社學 布政分司
按察分司 府館 河泊所 舖舍 養濟院
倉 演武廳 橋梁 亭 坊牌

卷之三